

四庫全書薈要

• 乾隆御覽本

史部

欽定四庫全書叢要

史部
史記卷九十五

詳校官主事銜臣徐以坤



欽定四庫全書薈要卷三千六百七十三

史部

史記卷九十五

漢 太 史 令司馬遷 撰

宋 中郎外兵曹參軍裴 駟集解

唐 國子博士弘文館學士司馬貞索隱

唐 諸王侍讀率府長史張守節正義

樊鄴滕灌列傳第三十五

舞陽侯樊噲者沛人也

正義舞陽在許州葉縣東十里噲音快又吉外反沛徐州縣



以屠狗爲事

正義時人食狗亦與羊豕同故噲專屠以賣之

與高祖俱隱初從

高祖起豐攻下沛高祖爲沛公以噲爲舍人從攻胡陵

方與

正義房預二音

還守豐擊泗水監豐下

索隱案監者秦時御史監郡也豐下

豐縣之下也正義泗水郡名

破之復東定沛破泗水守薛西

索隱謂破其守

於薛縣之西也

與司馬尼戰碭東

集解張晏曰秦司馬尼又碭宋州縣將章邯司馬尼

也卻敵斬首十五級賜爵國大夫

集解文穎曰即官大夫也正義爵第六級

也常從沛公擊章邯軍濮陽攻城先登斬首二十三級

賜爵列大夫

集解文穎曰即公大夫爵第七

復常從從攻城陽

集解徐廣曰年

表二年七月破秦軍濮陽東屠城陽也正
義按城陽近濮陽而漢書作陽城大錯悞
先登下戶牖

正義戶牖汴州陳留縣東
北九十一里東昏故城是
破李由軍斬首十六級賜上

間爵

集解孟康曰不在二十爵中如執圭執帛比也如淳曰間或作聞呂氏春秋曰魏文侯東勝齊於長

城天子賞文侯以上間爵索隱張晏云得徑上聞晉灼曰名通於天子也如淳引呂氏春秋證上間音中間之

間

從攻圍東郡守尉於成武

正義曹州縣

郤敵斬首十四級

捕虜十一人賜爵五大夫從擊秦軍出亳南

索隱案亳湯所都今

河南偃師有湯亳是正義亳故城在宋州穀熟縣西南四十里

河間守軍於扛里

正義地名

近城

破之擊破趙賁軍開封

正義汴州縣

北以郤敵先登斬

候一人首六十八級捕虜二十七人賜爵卿從攻破楊

熊軍於曲遇

索隱音齟顯邑名也正義曲丘羽反遇牛恭反鄭州中牟縣有曲遇聚

攻宛

陵

索隱地理志屬河南正義宛陵故城在鄭州新鄭縣東北三十八里

先登斬首八級捕

虜四十四人賜爵封號賢成君

集解徐廣曰時賜爵有執帛執圭又有賜爵封

而加美名以爲號也又有功則賜封列侯駙案張晏曰食祿比封君而無邑瓚曰秦制列侯乃有封爵也索隱小顏云楚漢之際權設寵榮假其位號或得邑地或空受爵此例多矣約以秦制於義不通

從攻長

社轅轅

正義許州理縣也轅轅關在緱氏縣東南三十里

絕河津

正義古平陰津在河南府

東北五十里也

東攻秦軍於尸南

正義在偃師南

攻秦軍於犇

正義在汝州魯

山縣東南

破南陽守齧於陽城東攻宛城先登西至酈

正義酈音

酈在鄧州新城縣西北四十里

以卻敵斬首二十四級捕虜四十人賜

重封

集解張晏曰益祿也如淳曰正爵名也瓚曰增封也索隱張晏臣瓚義亦近是如淳非也小顏以爲

重封者兼二號蓋爲得也

攻武關至霸上斬都尉一人首十級捕虜

百四十六人降卒二千九百人項羽在戲下欲攻沛公

沛公從百餘騎因項伯面見項羽謝無有閉關事項羽

既饗軍士中酒

集解張晏曰酒酣也

亞父謀欲殺沛公令項莊拔

劍舞坐中欲擊沛公項伯常肩蔽之時獨沛公與張良

得入坐樊噲在營外聞事急乃持鐵盾入到營營衛止

噲噲直撞入

集解駢案漢書音義曰音撞鐘正義撞直江反

立帳下

集解徐廣曰一本作

立帷下瞋目而視皆皆血出

項羽目之問爲誰張良曰沛公參乘樊

噲項羽曰壯士賜之卮酒彘肩噲既飲酒拔劍切肉食

盡之項羽曰能復飲乎噲曰臣死且不辭豈特卮酒乎

且沛公先入定咸陽暴師霸上以待大王

正義時羽未爲王史追書

大王今日至聽小人之言與沛公有隙臣恐天下解

正義

紀賁反至此爲絕句

心疑大王也項羽默然沛公如廁麾樊噲去

既出沛公留車騎獨騎一馬與樊噲等四人步從從間道山下歸走霸上軍而使張良謝項羽項羽亦因遂已無誅沛公之心矣是日微樊噲莽入營謂讓項羽沛公

事幾殆

索隱謂責也亦或作譙正義幾音祈

明日項羽入屠咸陽立沛公

爲漢王漢王賜噲爵爲列侯號臨武侯

正義桂陽臨武縣

遷爲

郎中從入漢中還定三秦別擊西丞白水北

集解徐廣曰隴西有

西縣白水在武都嗣案如淳曰皆地名也晉灼曰白水今廣魏縣也地理志無西丞似秦將名索隱案西謂隴西之西縣白水水名出武都經西縣東南流言噲擊西縣之丞在白水之北耳徐廣等說皆非也正義括地志

云白馬水源出文州曲水縣西南曾經孫山下

雍輕車騎於雍南破之

正義上雍於拱

反

從攻雍釐城先登擊章平軍好時

集解駟案釐音胎索隱案雍卽扶風

雍縣釐音台卽后稷所封今之武功故釐城是章平卽章邯子也

攻城先登陷陣斬縣

令丞各一人首十一級虜二十人遷郎中騎將從擊秦

軍騎壤東

索隱小顏亦以爲今之地名正義壤鄉在武功縣東南二十里

卻敵遷爲將

軍攻趙賁下郿

正義歧州縣

槐里柳中咸陽灌廢丘最

集解李奇

曰以水灌廢丘也張晏曰最功第一也晉灼曰京輔治華陰灌北也索隱案柳中卽細柳也在長安西也灌謂以水灌廢丘城陷其功最上也李奇曰廢丘卽槐里也上有槐里此又言者疑此是小槐里非也案文云攻趙

貢下郿槐里柳中咸陽總言所攻陷之邑別言以水灌發丘其功特最也何者初言槐里稱其斬名後言功最

是重舉不欲再見其

至櫟陽

正義雍州縣

賜食邑杜之樊鄉

文故因舊稱廢丘也

索隱案杜陵有樊鄉三秦記曰長安正南山名秦

從攻

嶺谷名子午一名樊川一名御宿樊鄉即樊川也

項籍屠秦棗

索隱晉灼云檢地理志無秦棗功臣表則有秦棗侯清河有秦棗城小顏以爲攻項

籍屠秦棗合在河南非清河之城明矣今案續漢書郡國志在濟陰宛胸也正義按其時項羽未渡河北冀州

信都縣東北五十里秦棗非矣

擊破王武程處軍於外黃攻鄒魯瑕丘

薛

正義鄒兗州縣在州東南六十二里魯兗州曲阜縣瑕丘兗州縣薛在徐州滕縣界

項羽敗漢

王於彭城盡復取魯梁地噲還至滎陽益食平陰二千

戶正義平陰故城在濟陽東北五里

以將軍守廣武一歲項羽引而東

從高祖擊項籍下陽夏

正義夏音假陳州太康縣

虜楚周將軍卒四

千人圍項籍於陳

正義陳州

大破之屠胡陵

正義在兗州南

項籍旣

死漢王爲帝以噲堅守戰有功益食八百戶從高帝攻

反燕王臧荼虜荼定燕地楚王韓信反噲從至陳取信

定楚

正義徐州

更賜爵列侯與諸侯剖符世世勿絕食舞陽

號爲舞陽侯除前所食以將軍從高祖攻反韓王信於

代自霍人以往

正義先累反又蘇果反又山寡反杜預云霍人晉邑也霍人當作後人地理志云

後人縣屬太原郡括地志云後人故城在代州繁峙縣界也

至雲中

正義雲中郡縣今朔州善陽縣

北三百八十里定襄故城是也

與絳侯等共定之益食千五百戶因擊

陳豨與曼丘臣軍

集解徐廣曰豨一作寧字

戰襄國

正義邢州城

破柏人

正義邢州縣

先登降定清河常山凡二十七縣殘

集解張晏曰殘有所

殺也瓚曰殘謂多所殺傷也孟子曰害義謂之殘

東垣遷爲左丞相破得綦毋

卬尹潘軍於無終廣昌

正義在蔚州飛狐縣北七里

破豨別將胡人

王黃軍於代南因擊韓信軍於參合

正義在朔州定襄縣界

軍所

將卒斬韓信破豨胡騎橫谷

正義谷音欲蓋在代

斬將軍趙旣虜

代丞相馮梁守孫奮大將王黃將軍太卜太僕解福

正義

人姓名

等十人與諸將共定代鄉邑七十三其後燕王盧

綰反噲以相國擊盧綰破其丞相抵薊南

索隱抵音丁禮反抵訓至

一云抵者丞相之名

定燕地凡縣十八鄉邑五十一益食邑千三

百戶定食舞陽五千四百戶從斬首百七十六級虜二

百八十八人別破軍七下城五定郡六縣五十二得丞

相一人將軍十二人二千石以下至三百石十一人噲

以呂后女弟呂須爲婦生子伉故其比諸將最親先黥

布反時高祖嘗病甚惡見人臥禁中詔戶者無得入羣臣羣臣絳灌等莫敢入十餘日噲乃排闥直入

正義宮中小門

大臣隨之上獨枕一宦者臥噲等見上流涕曰始陛下與臣等起豐沛定天下何其壯也今天下已定又何憊也且陛下病甚大臣震恐不見臣等計事顧獨與一宦者絕乎且陛下獨不見趙高之事乎高帝笑而起其後盧綰反高帝使噲以相國擊燕是時高帝病甚人有惡噲黨於呂氏卽上一日宮車晏駕則噲欲以兵盡誅滅

戚氏趙王如意之屬高帝聞之大怒乃使陳平載絳侯

代將而卽軍中斬噲陳平畏呂后執噲詣長安至則高

祖已崩呂氏釋噲使復爵邑孝惠六年樊噲卒諡爲武

侯子伉代侯而伉母呂須亦爲臨光侯高后時用事專

權大臣盡畏之伉代侯九歲高后崩大臣誅諸呂呂須

嫪屬

索隱 嫪音眷

因誅伉舞陽侯中絕數月孝文帝旣立乃

復封噲他庶子市人爲舞陽侯復故爵邑市人立二十

九歲卒諡爲荒侯子他廣代侯六歲侯家舍人得罪他

廣怨之乃上書曰荒侯市人病不能爲人

正義言不能行人道令

其夫人與其弟亂而生他廣他廣實非荒侯子不當代

後詔下吏孝景中六年他廣奪侯爲庶人國除

索隱案漢書平

帝元始二年封噲玄孫之

子章爲舞陽侯邑千戶

曲周侯

正義故城在洛州曲周西南十五里

酈商者高陽人

索隱酈音歷高陽聚名屬

陳留正義雍州

西南聚邑人也

陳勝起時商聚少年東西略人得數千

沛公略地至陳留六月餘

集解徐廣曰月表曰二世元年九月沛公起兵二世三年

二月襲陳留用酈食其策起兵至此十九月矣食其傳曰既說高帝已乃言其弟商使從沛公也索隱事與酈

生傳及年表小不同蓋史官意見異也正義徐注非也言
商先東西畧得數千人及沛公畧地至陳留商起兵乃
六月餘得四千人
以將軍從高祖也
商以將卒四千人屬沛公於歧

索隱此地

名關蓋在河南陳鄭之界正義高紀云鄭食其說沛公
襲陳留乃以食其爲廣野君郡商爲將將陳留兵與偕
攻開封酈生傳云沛公引兵隨之乃下陳留爲廣陽君
言其弟酈商使將數千人從沛公西南畧地此傳云屬
沛公於歧從攻長社案紀傳此
說歧當與陳留高陽相近也
從攻長社先登賜爵封

信成君從沛公攻緱氏絕河津破秦軍洛陽東從攻下

宛穰定十七縣別將攻旬關

集解烟案漢書音義曰漢中旬陽縣音詢索隱案在

漢中旬陽縣旬水上之關

定漢中項羽滅秦立沛公爲漢王漢王賜

商爵信成君以將軍爲隴西都尉別將定北地

正義
寧州上

郡

正義
郡州

破雍將軍馬氏

索隱馬音於然反氏音支縣名屬安定漢書云破章邯別將也

正義縣在涇州安定縣東四十里

周類軍枸邑

索隱枸邑在豳州地理志屬右扶風枸音荀

蘇駟軍於泥陽

集解徐廣曰駟一作駟索隱北地縣名駟者龍馬也正義故城在寧州羅川縣

北三十一里泥谷水源出羅川縣東北泥陽源側有泉於泥中潛流二十餘步而流入泥谷又有泥陽湫在縣

東北四十里

賜食邑武成六千戶

正義縣在華州鄭縣東十三里

以隴西都

尉從擊項籍軍五月出鉅野與鍾離昧戰疾鬪受梁相

國印益食邑四千戶以梁相國將從擊項羽二歲三月

攻胡陵項羽旣已死漢王爲帝其秋燕王臧荼反商以

將軍從擊荼戰龍脫

集解徐廣曰在燕趙之界駟案漢書音義曰地名索隱其地闕

先

登陷陣破荼軍易下

正義易州易縣

卻敵遷爲右丞相賜爵列

侯與諸侯剖符世世勿絕食邑涿五千戶

正義涿幽州

號曰

涿侯以右丞相別定上谷

正義媯州

因攻代受趙相國印以

右丞相趙相國別與絳侯等定代鴈門得代丞相程縱

守相郭同將軍已下至六百石十九人還以將軍爲太

上皇衛一歲七月以右丞相擊陳豨殘東垣又以右丞

相從高帝擊黥布攻其前拒

集解徐廣曰一作和駟謂拒方陳拒音矩索隱拒音

巨鄒氏引左傳有左拒右拒徐云一作和和軍門也漢書作前垣小顏以爲攻其壁壘之垣也李奇以爲前鋒堅蔽若垣墻非也

陷兩陳得以破布軍更食曲周五千一百戶

除前所食凡別破軍三降定郡六縣七十三得丞相守

相大將各一人小將二人二千石已下至六百石十九

人商事孝惠高后時商病不治

集解文穎曰不能治官事

其子寄字

況

索隱酈寄字也鄒氏本作兄亦音況

與呂祿善及高后崩大臣欲誅諸

呂呂祿爲將軍軍於北軍太尉勃不得入北軍於是乃

使人劫酈商令其子況給呂祿

索隱給欺詐也音待

呂祿信之

故與出游而太尉勃乃得入據北軍遂誅諸呂是歲商

卒諡爲景侯子寄代侯天下稱酈況賣交也

集解班固曰夫賣交

者謂見利而忘義也若寄父爲功臣而又執劫雖推呂祿以安社稷誼存君親可也

孝景前三年

吳楚齊趙反上以寄爲將軍圍趙城十月不能下得俞

侯欒布

集解駟案俞音舒索隱俞音輸又音飲縣名在河東

自平齊來乃下趙城

滅趙王自殺除國孝景中二年寄欲取平原君爲夫人

集解蘇林曰景帝王皇后母臧兒也

景帝怒下寄吏有罪奪侯景帝乃以

商他子堅封爲繆侯

集解徐廣曰繆者更封邑名諡曰靖索隱繆音穆邑也漢書無諡

續酈氏後繆靖侯卒子康侯遂成立遂成卒子懷侯世

宗立

集解徐廣曰世一作他

世宗卒子侯終根立爲太常坐法國

除

汝陰侯

正義汝陰卽今陽城

夏侯嬰沛人也爲沛廐司御

索隱案楚漢春

秋云滕公爲御也

每送使客還過沛泗上亭與高祖語未嘗不

移日也嬰已而試補縣吏與高祖相愛高祖戲而傷嬰

人有告高祖

集解韋昭曰告白也白高祖傷人

高祖時爲亭長重坐傷

人集解如淳曰爲吏傷人其罪重也

告故不傷嬰

集解鄧展曰律有故乞鞠高祖自告不傷

人索隱案晉灼云獄結竟呼囚鞠語

罪狀囚若稱枉欲乞鞠者許之也

嬰證之後獄覆

案韋昭曰高帝自言不傷

嬰嬰證之是獄辭翻覆也

終以是脫高祖高祖之初與徒屬欲攻沛也嬰時以縣

令史爲高祖使上降沛一日

正義上爲于僞反使所吏反又曰謂父老開城門迎

高祖高祖爲沛公賜嬰爵七大夫以爲太僕從攻胡陵嬰

與蕭何降泗水監平

集解張晏曰胡陵平所止縣何嘗給之故與降也

平以胡

陵降賜嬰爵五大夫從擊秦軍碭東攻濟陽下戶牖破

李由軍雍丘下以兵車趣攻戰疾賜爵執帛常以太僕奉車從擊章邯軍東阿濮陽下以兵車趣攻戰疾破之賜爵執珪復常奉車從擊趙賁軍開封封楊熊軍曲遇嬰從捕虜六十八人降卒八百五十人得印一匱

索隱案說文云

匱匣也謂得其時自相部署之印

因復常奉車從擊秦軍雒陽東以兵

車趣攻戰疾賜爵封轉爲滕公

集解徐廣曰今也駟案鄧展曰今沛郡公丘漢

書曰嬰爲滕令奉車故號滕公正義滕卽公丘故城是在徐州滕縣西南十五里

因復奉車從

攻南陽戰於藍田芷陽

索隱芷音止地名今霸陵也在京兆縣

以兵車趣

攻戰疾至霸上項羽至滅秦立沛公爲漢王漢王賜嬰
爵列侯號昭平侯復爲太僕從入蜀漢還定三秦從擊
項籍至彭城項羽大破漢軍漢王敗不利馳去見孝惠
魯元載之漢王急馬罷虜在後常蹶兩兒欲棄之

索隱
蹶音

厥又巨月反一音居
衛反漢書作蹶音撥

嬰常收竟載之徐行面雍樹乃馳

集解服虔曰高帝欲斬之故嬰圍樹走也面向樹也應
劭曰古者皆立乘嬰恐墜小兒各置一面雍持之樹立
也蘇林曰面陽人謂抱小兒爲雍樹面者大人以面首
向臨之小兒抱大人頸似懸樹也索隱蘇林與晉灼皆
同今則無其言或當時有漢王怒行欲斬嬰者十餘卒
此說其應服之說蓋疎也

得脫而致孝惠魯元於豐漢王旣至滎陽收散兵復振

賜嬰食祈陽

集解徐廣曰祈一作沂索隱蓋鄉名也漢書作沂楚無其縣

復常奉車

從擊項籍追至陳卒定楚至魯益食茲氏

索隱縣名也地理志屬太

原漢王立爲帝其秋燕王臧荼反嬰以太僕從擊荼明

年從至陳取楚王信更食汝陰剖符世世勿絕以太僕

從擊代至武泉雲中

索隱地理志武泉屬雲中正義二縣在朔州善陽縣界

益食

千戶因從擊韓信軍胡騎晉陽旁大破之追北至平城
爲胡所圍七日不得通高帝使使厚遺閼氏冒頓開圍

一角高帝出欲馳嬰固徐行弩皆持滿外向卒得脫益

食嬰細陽千戶

案隱地理志屬汝南

復以太僕從擊胡騎句注北

大破之以太僕擊胡騎平城南三陷陳功爲多賜所奪

邑五百戶

集解駟案漢書音義曰時有罪過奪邑者以賜之

以太僕擊陳豨黥

布軍陷陣卻敵益食千戶定食汝陰六千九百戶除前

所食嬰自上初起沛常爲太僕竟高祖崩以太僕事孝

惠孝惠帝及高后德嬰之脫孝惠魯元於下邑之間也

正義宋州

碭山縣

乃賜嬰縣北第一曰近我以尊異之孝惠

帝崩以太僕事高后高后崩代王之來嬰以太僕與東

牟侯入清宮廢少帝以天子法駕迎代王代邸與大臣

共立爲孝文皇帝復爲太僕八歲卒諡爲文侯

索隱案姚氏云

三輔故事曰滕文公墓在飲馬橋東大道南俗謂之馬冢博物志曰公卿送嬰葬至東都門外馬不行拮地悲

鳴得石椁有銘曰佳城鬱鬱三千年見白日吁嗟滕公居此室乃葬之

子夷侯竈立七年

卒子共侯賜立三十一年卒子侯頗尚平陽公主立十

九歲元鼎二年坐與父御婢姦罪自殺國除

賴陰侯灌嬰者睢陽販繒者也

正義今陳州南賴縣西北十三里賴陰故城是

也雒陽宋州宋城縣

高祖之爲沛公略地至雍丘下章邯敗殺項

梁而沛公還軍於碭嬰初以中涓從擊破東郡尉於成

武及秦軍於扛里疾鬪賜爵七大夫從攻秦軍亳南開

封曲遇戰疾力

集解服虔曰疾攻之

賜爵執帛號宣陵君從攻陽

武以西至雒陽破秦軍尸北北絕河津南破南陽守齧

陽城東遂定南陽郡西入武關戰於藍田疾力至霸上

賜爵執珪號昌文君

索隱亦稱宣陵君皆非爵土加美號耳

沛公立爲漢

王拜嬰爲郎中從入漢中十月拜爲中謁者從還定三

秦下櫟陽降塞王還圍章邯於廢丘未拔從東出臨晉

關擊降殷王定其地擊項羽將龍且魏相項他軍定陶

南疾戰破之賜嬰爵列侯號昌文侯食杜平鄉

索隱謂食杜縣

之平復以中謁者從降下碭以至彭城項羽擊大破漢

王漢王遁而西嬰從還軍於雍丘王武魏公申徒反

集解

張晏曰秦將降爲公今反從擊破之攻下黃

正義故城在曹州考城縣東二十四里

西

收兵軍於滎陽楚騎來衆漢王乃擇軍中可爲車騎將

者皆推故秦騎士重泉人

集解徐廣曰重泉屬馮翊正義故城在同州蒲城縣東南

四十李必駱甲習騎兵今爲校尉可爲騎將

索隱必甲二人名也

姚氏案漢紀桓帝延熹三年追錄高祖功臣李必後黃門丞李遂爲晉陽關內侯也

漢王欲拜之

必甲曰臣故秦民恐軍不信臣臣願得大王左右善騎

者傳之

集解如淳曰傳音附猶言隨從者

灌嬰雖少然數力戰乃拜灌

嬰爲中大夫令李必駱甲爲左右校尉將郎中騎兵擊

楚騎於滎陽東大破之受詔別擊楚軍後絕其餉道起

陽武至襄邑擊項羽之將項冠於魯下破之所將卒斬

右司馬騎將各一人

集解張晏曰主右方之馬左亦如之

擊破拓公王武

軍於燕西

集解徐廣曰柘屬陳索隱案武柘縣令也正義柘屬淮陽國按滑州柘城本南燕國也

所將卒斬樓煩將五人

集解李奇曰樓煩縣名其人善騎射故以名射士爲樓煩取其

美稱未必樓煩人也

連尹一人

集解張晏曰大夫楚官索隱案左傳莫敖連尹

張晏曰樓煩胡國名

宮廐尹是擊王武別將桓嬰白馬下破之所將卒斬都尉一

人以騎渡河南送漢王到雒陽使北迎相國韓信軍於

邯鄲還至教倉嬰遷爲御史大夫三年以列侯食邑杜

平鄉以御史大夫受詔將郎中騎兵東屬相國韓信擊

破齊軍於歷下所將卒虜車騎將軍華毋傷及將吏四

十六人降下臨菑得齊守相田光追齊相田橫至嬴博

破其騎所將卒斬騎將一人生得騎將四人攻下嬴博

破齊將軍田吸於千乘所將卒斬吸東從韓信攻龍且

留公旋高密

索隱留縣令稱公旋其名高密縣名在北
海漢書作假密假密地名不知所在未知

孰是耳正義留縣
在沛郡公其令

卒斬龍且

集解文穎
曰所將卒

生得右司馬連

尹各一人樓煩將十人身生得亞將周蘭齊地已定韓

信自立爲齊王使嬰別將擊楚將公杲於魯北破之轉

南破薛郡長身虜騎將一人攻博陽前至下相以東南

僅取慮徐

索隱取音秋慮音閤取又音趣
僅徐是二縣取慮是一縣名

度淮盡降其

城邑至廣陵

集解駟案漢書音義曰住廣陵以禦敵正義謂從下相以東南盡降城邑乃至廣陵

皆平定也

項羽使項聲薛公郊公復定淮北嬰渡淮北擊破

項聲郊公下邳

正義郊音誤東海縣

斬薛公下下邳擊破楚騎於

平陽

索隱小顏云此平陽在東郡地理志太山有東平陽縣正義南平陽縣城今兗州鄒縣也在兗州東

南六十二里按鄒縣去徐州滕縣界四十餘里也

遂降彭城虜柱國項佗降留

薛沛鄼蕭相攻苦譙

正義戶焦二音

復得亞將周蘭與漢王會

頤鄉

集解徐廣曰苦縣有頤鄉索隱音以之反

從擊項籍軍於陳下破之所

將卒斬樓煩將二人虜騎將八人賜益食邑二千五百

戶項籍敗垓下去也嬰以御史大夫受詔將車騎別追

項籍至東城

正義縣在濠州定遠縣東南五十五里

破之所將卒五人共

斬項籍皆賜爵列侯降左右司馬各一人卒萬二千人

盡得其軍將吏下東城歷陽

正義和州歷陽縣即今州城是也

渡江破

吳郡長吳下

集解如淳曰雄長之長也索隱下有郡守此長即令也如淳以為雄長非也正義今

蘇州也案如說非也吳郡即吳郡守也一破吳郡長兵於吳城下而得吳郡守身也

得吳守遂定

吳豫章會稽郡還定淮北凡五十二縣漢王立爲皇帝

賜益嬰邑三千戶其秋以車騎將軍從擊破燕王臧荼

明年從至陳取楚王信還剖符世世勿絕食賴陰二千

五百戶號曰賴陰侯以車騎將軍從擊反韓王信於代

至馬邑受詔別降樓煩以北六縣斬代左相破胡騎於

武泉北

正義縣名在朔州北一百二十里

復從擊韓信胡騎晉陽下所

將卒斬胡白題將一人

集解服虔曰胡名也

受詔并將燕趙齊梁

楚車騎擊破胡騎於荅石

集解服虔曰荅音沙索隱劉氏音干卧反

至平城

爲胡所圍從還軍東垣從擊陳豨受詔別攻豨丞相侯

敬軍曲逆下破之卒斬敬及特將五人

集解文穎曰特一之特也降

曲逆盧奴上曲陽安國安平

正義盧奴定州安喜縣是曲陽定州曲陽縣是安平

定州安平縣是

攻下東垣黥布反以車騎將軍先出攻布別將

於相破之斬亞將樓煩將三人又進擊破布上柱國軍

及大司馬軍又進破布別將肥誅

集解徐廣曰一作誅索隱案漢書作肥誅

嬰身生得左司馬一人所將卒斬其小將十人追北至

淮上益食二千五百戶布已破高帝歸定令嬰食潁陰

五千戶除前所食邑凡從得二千石二人別破軍十六

降城四十六定國一郡二縣五十二得將軍二人柱國

相國各一人二千石十人嬰自破布歸高帝崩嬰以列

侯事孝惠帝及呂太后太后崩呂祿等以趙王自置爲

將軍軍長安爲亂齊哀王聞之舉兵西且入誅不當爲

王者上將軍呂祿等聞之乃遣嬰爲大將將軍往擊之

嬰行至滎陽乃與絳侯等謀因屯兵滎陽風齊王以誅

呂氏事

正義風方鳳反

齊兵止不前絳侯等既誅諸呂齊王罷

兵歸嬰亦罷兵自滎陽歸與絳侯陳平共立代王爲孝

文皇帝孝文皇帝於是益封嬰三千戶賜黃金千斤拜
爲太尉三歲絳侯勃免相就國嬰爲丞相罷太尉官是
歲匈奴大入北地上郡令丞相嬰將騎八萬五千往擊
匈奴匈奴去濟北王反詔乃罷嬰之兵後歲餘嬰以丞
相卒諡曰懿侯子平侯阿代侯二十八年卒子彊代侯
十二年彊有罪絕二歲元光三年天子封灌嬰孫賢爲
臨汝侯續灌氏後八歲坐行賕有罪國除

太史公曰吾適豐沛問其遺老觀故蕭曹樊噲滕公之

冢及其素異哉所聞方其鼓刀屠狗賣繒之時豈自知
附驥之尾垂名漢庭德流子孫哉余與他廣通爲言高
祖功臣之興時若此云

索隱案他廣樊噲之孫後失封蓋嘗訝太史公序蕭曹樊滕之

功委具則從他廣而得其事故備也

索隱述贊曰聖賢影響雲蒸龍變屠狗販繒攻城野
戰扶義西上受封南面酈況賣交舞陽內援滕灌更
王弈葉

繁衍

史記卷九十五

史記卷九十五考證

樊鄴滕灌列傳從攻圍東郡守尉於成武○凌稚隆曰
按漢書從攻圍作從攻圍注圍地名

以待大王正義時羽未為王史追書○

臣照

按此等稱

謂非追書也直是當時尊奉之辭觀亞夫謂項莊君
王為人不忍可見時羽雖未為王然已擅命立雍王
矣稱以大王若固有之耳

擊章平軍好時正義章平即章邯子也○

臣照

按高祖

紀明云雍王弟章平正義何所據而以為邯子也疑弟字之誤

從擊秦車騎壞東○凌稚隆曰一本車作軍

定食舞陽五千四百戶○功臣表作五千戶漢表同

蘇駘軍於泥陽索隱北地縣名駘者龍馬也○楊慎丹鉛總錄曰駘從馬從旦音亶無龍馬之訓

更食曲周五千一百戶○功臣表云四千八百戶漢表同

趙王自殺除國○徐孚遠曰趙除國於酈寄傳無涉蓋刪截舊文未淨者

寄欲取平原君為夫人○孝武帝即位始尊皇太后母臧兒為平原君此乃追書之

子康侯遂成立○功臣表無成字漢表有之
子懷侯世宗立○功臣表無世字漢表有之

子侯終根立為太常坐法國除○功臣表云坐祝詛誅
國除漢表云嗣二十九年後二年祝詛上要斬

後獄覆索隱案韋昭曰高帝自言不傷嬰嬰證之是獄
辭翻覆也○陳沂曰證之已證其不傷矣後又有翻
覆故嬰坐繫且受掠也

嬰與蕭何降泗水監平張晏曰胡陵平所止縣何嘗給
之故與降也○楊慎曰降降之也嬰與何或用兵或
招降之也張說非是

面雍樹○余有丁曰按楊慎云服說是愚謂依此則不
應下文纔說欲斬嬰者十餘疑蘇說近之蓋初載徐

行雍抱之乃疾馳也

賜所奪邑五百戶漢書音義曰時有罪過奪邑者以賜之○劉辰翁曰賜所奪邑恐是嬰以他故奪邑至是復賜之耳漢書註亦有是說

子侯頗尚平陽公主○

臣照

按傳與表敘頗尚主年歲

不明不知此平陽主何人也若即是武帝姊則曹壽之前不聞先有所適而元光二年戊申曹壽未死元鼎二年丙寅以前主歸衛氏且十年青又未死不應

復有他適衛青傳正義引漢書云平陽侯曹壽有惡疾就國乃詔青尚平陽公主則曹衛之間更無其人武帝時又不聞有兩平陽公主

坐行賕有罪國除○漢表元朔五年坐子傷人首匿免千戶

史記卷九十五考證

欽定四庫全書叢要卷三千六百七十四

史部

史記卷九十六

漢 太 史 令司馬遷 撰

宋中郎外兵曹參軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

張丞相列傳第三十六

張丞相蒼者陽武人也

索隱案縣名屬陳留正義鄭州陽武縣也

好書律歷

秦時為御史主柱下方書

集解如淳曰方版也謂書事在版上者也秦以上置柱下

史蒼為御史主其事或曰四方文書索隱周秦皆有柱下史謂御史也所掌及侍立恒在殿柱之下故老聃為周柱下史今蒼在秦代亦居斯職方書者方板謂小事書於板也或曰主四方文書也姚氏以為下云明習天下圖書計籍主郡上計則有罪亡歸及沛公略地過陽方為四方文書者是也

武蒼以客從攻南陽蒼坐法當斬解衣伏質

索隱小顏云質鍔也

身長大肥白如瓠時王陵見而怪其美士乃言沛公赦

勿斬遂從西入武關至咸陽沛公立為漢王入漢中還

定三秦陳餘擊走常山王張耳耳歸漢漢乃以張蒼為

常山守從淮陰侯擊趙蒼得陳餘趙地已平漢王以蒼為代相備邊寇已而徙為趙相相趙王耳耳卒相趙王敖復徙相代王燕王臧荼反高祖往擊之蒼以代相從攻臧荼有功以六年中封為北平侯食邑千二百戶遷

為計相

集解文穎曰能計故號曰計相

一月更以列侯為主計四歲

集解

張晏曰以列侯典校郡國簿書如淳曰以其所主因以為官號與計相同時所卒立非久施也索隱謂改計相之名更名主計也是時蕭何為相國而張蒼乃自秦時

此蓋權時立號也

為柱下史明習天下圖書計籍蒼又善用算律歷故令

蒼以列侯居相府領主郡國上計者黥布反亡漢立皇子長為淮南王而張蒼相之十四年遷為御史大夫

周昌者沛人也其從兄曰周苛秦時皆為泗水卒史及

高祖起沛擊破泗水守監於是周昌周苛自卒史從沛

公沛公以周昌為職志

集解徐廣曰主旗幟之屬索隱官名也職主也志旗幟也謂掌

旗幟之官也音昌志反

周苛為客

集解張晏曰為帳下賓客不掌官

從入關破秦

沛公立為漢王以周苛為御史大夫周昌為中尉漢王四年楚圍漢王滎陽急漢王遁出去而使周苛守滎陽

城楚破滎陽城欲令周苛將苛罵曰若趣降漢王不然

今為虜矣項羽怒烹周苛

集解徐廣曰四年三月也

於是乃拜周昌

為御史大夫常從擊破項籍以六年中與蕭曹等俱封

封周昌為汾陰侯周苛子周成以父死事封為高景侯

集解徐廣曰九年封封三十九年文帝後元四年謀反死國除

昌為人彊力敢直言自

蕭曹等皆卑下之昌嘗燕時入奏事

集解駉案漢書音義曰以上燕時入

奏事高帝方擁戚姬昌還走高帝逐得騎周昌項問曰我

何如主也昌仰曰陛下即桀紂之主也於是上笑之然

尤憚周昌及帝欲廢太子而立戚姬子如意為太子大

臣固爭之莫能得上以留侯策即止而周昌廷爭之彊

上問其說昌為人吃又盛怒曰臣口不能言然臣期期

知其不可

正義期以口吃每語故重言期期也

陛下雖欲廢太子臣期期

不奉詔上欣然而笑既罷吕后側耳於東廂聽

集解韋昭曰殿

東堂也索隱小顏云正寢之東西室皆號曰箱言似箱篋之形

見周昌為跪謝曰微君

太子幾廢

索隱幾鉅依反

是後戚姬子如意為趙王年十歲高

祖憂即萬歲之後不全也趙堯年少為符璽御史趙人

方與公

集解孟康曰方與縣名公其號贊曰方與縣令也

謂御大夫周昌曰君

之史趙堯年雖少然奇才也君必異之是且代君之位

周昌笑曰堯年少刀筆吏耳

正義古用簡牘書有錯謬以刀削之故號曰刀筆吏

何能至是乎居頃之趙堯侍高祖高祖獨心不樂悲歌

羣臣不知上之所以然趙堯進請問曰陛下所為不樂

非為趙王年少而戚夫人與呂后有郤邪備萬歲之後

而趙王不能自全乎高祖曰然吾私憂之不知所出

索隱

謂不知其計所出也

堯曰陛下獨宜為趙王置貴彊相及呂后太

子羣臣素所敬憚乃可高祖曰然吾念之欲如是而羣

臣誰可者堯曰御史大夫周昌其人有堅忍質直且自

呂后太子及大臣皆素敬憚之獨昌可高祖曰善於是

乃召周昌謂曰吾欲固煩公公彊為我相趙王

正義桓譚世論

云使周相趙不如使取呂后家女為妃令戚夫人善事呂后則如意無斃也

周昌泣曰臣初

起從陛下陛下獨奈何中道而棄之於諸侯乎高祖曰

吾極知其左遷

索隱諸侯王表有左官之律韋昭以為左猶下也禁不得下仕於諸王也然地

道尊右右貴左職故謂貶秩為左遷他皆此類

然吾私憂趙王念非公無可者

公不得已彊行於是徙御史大夫周昌為趙相既行久

之高祖持御史大夫印弄之曰誰可以為御史大夫者

孰視趙堯曰無以易堯遂拜趙堯為御史大夫

集解徐廣曰十

年堯亦前有軍功食邑及以御史大夫從擊陳豨有功

封為江邑侯

集解徐廣曰十一年封

高祖崩呂太后使使召趙王

其相周昌令王稱疾不行使者三反周昌固為不遣趙

王於是高后患之乃使使召周昌周昌至謁高后高后

怒而罵周昌曰爾不知我之怨戚氏乎而不遣趙王何

昌既徵高后使使召趙王趙王果來至長安月餘飲藥

而死周昌因謝病不朝見三歲而死

集解徐廣曰謚悼也索隱漢書列傳

及表咸言周昌謚悼韋昭云或謚惠非也漢書又曰傳子至孫意有罪國除景帝復封昌孫左車為安陽侯有

罪國除也後五歲

正義高后之年

高后聞御史大夫江邑侯趙堯高

祖時定趙王如意之畫乃抵堯罪

集解徐廣曰呂后元年國除

以廣

阿侯任教為御史大夫

任教者故沛獄吏高祖嘗辟吏

正義辟音避

吏繫呂后遇之

不謹任教素善高祖怒擊傷主呂后吏及高祖初起教

以客從為御史守豐二歲高祖立為漢王東擊項籍赦

遷為上黨守陳豨反時赦堅守封為廣阿侯食千八百

戶高后時為御史大夫三歲免

集解徐廣曰文帝二年任故卒謚懿侯曾孫越

人元鼎二年為太常坐酒酸國除駟案漢書任故孝文元年薨徐誤也索隱此徐氏據漢書為記而誤云二年裴駟又引任安書證為得其實正義按史記書表云孝文二年卒漢表又云封十九年卒計高祖十一年封到文帝二年則十九年矣而漢書誤裴氏不考乃云徐誤何其貳過也

以平陽侯曹窋為御

史大夫高后崩不與大臣共誅呂祿等免以淮南相張

蒼為御史大夫蒼與絳侯等尊立代王為孝文皇帝四

年丞相灌嬰卒張蒼為丞相自漢興至孝文二十餘年

會天下初定將相公卿皆軍吏張蒼為計相時緒正律

厯集解文穎曰緒尋也或曰緒業也以高祖十月始至霸上因故秦時

本以十月為歲首弗革推五德之運以為漢當水德之

時尚黑如故正義姚察云蒼是秦人猶用推五勝之法以周赤為火漢勝火以水也吹律

調樂人之音聲及以北定律令集解如淳曰北謂五音清濁各有所北也以定

十二月律之法令於樂官使長行之瓚曰謂以北故取

類以定法律與條令也正義北音鼻或音必履反謂北

也方若百工天下作程品集解如淳曰若順也百工為器物皆有尺寸斤兩皆使得宜此

之謂順晉灼曰若預及之辭索隱晉灼說為得

至於為丞相卒就之故漢家言

律歷者本之張蒼蒼本好書無所不觀無所不通而尤

善律歷

集解駢案漢書曰著書十八篇言陰陽律歷事

張蒼德王陵王陵者安

國侯也及蒼貴常父事王陵陵死後蒼為丞相洗沐常

先朝陵夫人上食然後敢歸家蒼為丞相十餘年魯人

公孫臣上書言漢土德時其符有黃龍當見詔下其議

張蒼張蒼以為非是罷之其後黃龍見成紀於是文帝

召公孫臣以為博士草土德之歷制度更元年張丞相

由此自絀謝病稱老蒼任人為中候

集解張晏曰所選保任者也瓚曰中

名侯官

大為姦利上以讓蒼蒼遂病免蒼為丞相十五歲

而免孝景前五年蒼卒謚為文侯子康代侯八年卒子

類

集解徐廣曰一作顓音贖

代為侯八年坐臨諸侯喪後就位不敬

國除

索隱案漢書云傳子至孫類有罪國除今此文康代八年卒子顓代侯則顓即類與漢書略同也

初張蒼父長不滿五尺及生蒼蒼長八尺餘為侯丞相

蒼子復長

集解駰案漢書云長八尺

及孫類長六尺餘坐法失侯蒼

之免相後老口中無齒食乳女子為乳母妻妾以百數

嘗孕者不復幸蒼年百有餘歲而卒

申屠丞相嘉者梁人以材官蹶張

集解徐廣曰勇健有材力開張駟案如淳

曰材官之多力能踴蹶強弩張之故曰蹶張律有蹶張士索隱孟康云言張強弩蹶其月反漢令曰蹶張士百

人從高帝擊項籍遷為隊率

索隱所類反

從擊黥布軍為都

尉孝惠時為淮陽守孝文帝元年舉故吏士二千石從

高皇帝者悉以為關內侯食邑二十四人而申屠嘉食

邑五百戶張蒼已為丞相嘉遷為御史大夫張蒼免相

集解徐廣曰後二年八月

孝文帝欲用皇后弟竇廣國為丞相曰恐

天下以吾私廣國廣國賢有行故欲相之念久之不可

而高帝時大臣又皆多死餘見無可者乃以御史大夫

嘉為丞相因故邑封為故安侯

正義今易州界武陽城中東南隅故城是也

嘉為人廉直門不受私謁是時大中大夫鄧通方隆愛

幸賞賜累巨萬文帝嘗燕飲通家其寵如是是時丞相

入朝而通居上傍有怠慢之禮丞相奏事畢因言曰陛

下愛幸臣則富貴之至於朝廷之禮不可以不肅上曰

君勿言吾私之罷朝坐府中嘉為檄召鄧通詣丞相府

不來且斬通通恐入言文帝文帝曰汝第往吾今使人
召若通至丞相府免冠徒跣頓首謝嘉坐自如故不為
禮責曰夫朝廷者高皇帝之朝廷也通小臣戲殿上大
不敬當斬吏今行斬之

集解如淳曰嘉語其吏曰今便行斬之

通頓首首

盡出血不解文帝度丞相已困通使使者持節召通而
謝丞相曰此吾弄臣君釋之鄧通既至為文帝泣曰丞
相幾殺臣嘉為丞相五歲孝文帝崩孝景帝即位二年
鼂錯為內史貴幸用事諸法令多所請變更議以謫罰

侵削諸侯而丞相嘉自絀所言不用疾錯錯為內史門

東出不便更穿一門南出南出者太上皇廟塽垣

集解服虔

曰宮外垣也如淳曰塽音畏慙之慙索隱慙音乃喚反韋昭音而緣反又音軟

嘉聞之欲因此

以法錯擅穿宗廟垣為門奏請誅錯錯客有語錯錯恐

夜入宮上謁自歸景帝

正義自歸帝首露

至朝丞相奏請誅內

史錯景帝曰錯所穿非真廟垣乃外塽垣故他官居其

中

索隱漢書作冗官謂散官

且又我使為之錯無罪罷朝嘉謂長史

曰吾悔不先斬錯乃先請之為錯所賣至舍因歐血而

死謚為節侯子共侯茂代三年卒子侯去病代三十一

年卒

集解徐廣曰一本無侯去病而云共侯茂三十三年子夷改封靖安侯

子侯夷代六

歲坐為九江太守受故官送有罪國除自申屠嘉死之

後景帝時開封侯陶青桃侯劉舍為丞相

集解徐廣曰陶青高祖功

臣陶舍之子也謚夷劉舍本項氏親也賜姓劉氏父襄佐高祖有功舍謚哀侯

及今上時栢至

侯許昌

集解徐廣曰高祖功臣許溫之孫謚哀侯

平棘侯薛澤

集解徐廣曰高祖功臣廣

平侯薛歐之孫平棘節侯薛澤

武彊侯莊青翟

集解徐廣曰高祖功臣莊不識之孫

高陵

侯趙周

集解徐廣曰周父夷吾為楚王戊太傅諫爭而死

等為丞相皆以列侯

繼嗣妮妮

集解徐廣曰妮音七角反一作斷一作躡索

躡音初角反一作斷音都亂反義如尚書斷斷猗無他技

廉謹為丞相備員而已無

所能發明功名有著於當世者

太史公曰張蒼文學律歷為漢名相而絀賈生公孫臣

等言正朔服色事而不遵明用秦之顓頊歷何哉

集解張晏

曰不考經典專用顓頊歷何哉

周昌木彊人也

正義言其質直掘強如木石焉

任教以

舊德用

集解張晏曰謂傷辱呂后吏

申屠嘉可謂剛毅守節矣然無

術學殆與蕭曹陳平異矣

孝武時丞相多甚不記莫錄其行起居狀略且紀征

和以來有車丞相長陵人也

集解駢案名千秋

卒而有韋丞

相代

索隱自車千秋以下皆褚先生等所記然丞相傳都省略漢書則備

韋丞相賢者魯人也以讀書術為吏至大鴻臚有相
工相之當至丞相有男四人使相工相之至第二子
其名玄成相工曰此子貴當封韋丞相言曰我即為
丞相有長子是安從得之後竟為丞相病死而長子
有罪論不得嗣而立玄成玄成時佯狂不肯立竟立

之有讓國之名後坐騎至廟不敬有詔奪爵一級為
關內侯夫列侯得食其故國邑韋丞相卒有魏丞相
代

魏丞相相者濟陰人也以文吏至丞相其人好武皆
令諸吏帶劔帶劔前奏事或有不帶劔者當入奏事

至乃借劔而敢入奏事其時京兆尹趙君

集解駟案
名廣漢

丞相奏以免罪使人執魏丞相欲求脫罪而不聽復
使人脅恐魏丞相以夫人賊殺侍婢事而私獨奏請

驗之發吏卒至丞相舍捕奴婢笞擊問之實不以兵

刃殺也而丞相司直繁君

索隱繁姓也音婆

奏京兆尹趙君

迫脅丞相誣以夫人賊殺婢發吏卒圍捕丞相舍不
道又得擅屏騎士事趙京兆坐要斬又有使掾陳平
等劾中尚書疑以獨擅劫事而坐之大不敬長史以
下皆坐死或下蠶室而魏丞相竟以丞相病死子嗣
後坐騎至廟不敬有詔奪爵一級為關內侯失列侯
得食其故國邑魏丞相卒以御史大夫邴吉代

邴丞相吉者魯國人也以讀書好法令至御史大夫
孝宣帝時以有舊故封為列侯而因為丞相明於事
有大智後世稱之以丞相病死子顯嗣後坐騎至廟
不敬有詔奪爵一級失列侯得食故國邑顯為吏至
太僕坐官耗亂身及子男有姦賊免為庶人邴丞相
卒黃丞相代長安中有善相工田文者與韋丞相魏
丞相邴丞相微賤時會於客家田文言曰今此三君
者皆丞相也其後三人竟更相代為丞相何見之明

也

黃丞相霸者淮陽人也以讀書為吏至潁川太守治潁川以禮義條教喻告化之犯法者風曉令自殺化大行名聲聞孝宣帝下制曰潁川太守霸以宣布詔令治民道不拾遺男女異路獄中無重囚賜爵關內侯黃金百斤徵為京兆尹而至丞相復以禮義為治以丞相病死子嗣後為列侯黃丞相卒以御史大夫于定國代于丞相已有廷尉傳在張廷尉語中于丞

相去御史大夫韋玄成代

韋丞相玄成者即前韋丞相子也代父後失列侯其
人少時好讀書明於詩論語為吏至衛尉徙為太子

太傅御史大夫薛君免

集解駟案
名廣德也

為御史大夫于丞

相乞骸骨免而為丞相因封故邑為扶陽侯數年病
死孝元帝親臨喪賜賞甚厚子嗣後其治容容隨世
俗浮沉而見謂諂巧而相工本謂之當為侯代父而
後失之復自游宦而起至丞相父子俱為丞相世間

美之豈不命哉相工其先知之韋丞相卒御史大夫
匡衡代

丞相匡衡者東海人也好讀書從博士受詩家貧衡
傭作以給食飲才下數射策不中至九乃中丙科其
經以不中科故明習補平原文學卒史數年郡不尊
敬御史徵之以補百石屬薦為郎而補博士拜為太
子少傅而事孝元帝孝元好詩而遷為光祿勳居殿
中為師授教左右而縣官坐其旁聽甚善之日以尊

貴御史大夫鄭弘坐事免而匡君為御史大夫歲餘
韋丞相死匡君代為丞相封樂安侯以十年之間不
出長安城門而至丞相豈非遇時而命也哉深惟士
之游宦所以至封侯者微甚

集解徐廣曰
微一作微

然多至御

史大夫即去者諸為大夫而丞相次也其心冀幸丞

相物故也

集解駟案高堂隆答魏朝訪曰物
無也故事也言無復所能於事

或乃陰

私相毀害欲代之然守之日久不得或為之日少而
得之至于封侯真命也夫御史大夫鄭君守之數年

不得匡君居之未滿歲而韋丞相死即代之矣豈可
以智巧得哉多有賢聖之才困厄不得者衆甚也隱索

案此論匡衡已來事則後人所述也或亦稱太史公其序述淺陋一何誣也

索隱述贊曰張蒼主計天下作程孫臣始絀秦歷尚
行御史亞相相國阿衡申屠面折周子廷爭其他
嬖無所發明

史記卷九十六

史記卷九十六考證

張丞相列傳封為高景侯集解徐廣曰九年封○九監
本作元臣照按以長厯考之高祖元年至文帝後元
四年中間不止三十九年且高祖元年尚是沛公周
苛固未死其誤必也依長厯計之一本作九年者是
今從之

謂御大夫周昌曰○

臣照

按御大夫明脫史字各本皆

同今仍之

高后崩不與大臣共誅呂祿等免○歸有光曰漢書云
高后崩與大臣共誅諸呂後坐事免考呂后紀漢書
為是

張蒼為計相時緒正律歷○楊慎曰時字連計相讀為
是故後言至於為丞相卒就之

子侯去病代三十一年卒徐廣曰一本無此去病而云
共侯茂三十三年子夷改封靖安侯○臣照按徐廣
所云蓋據年表然漢表作侯共嗣二十二年與徐又

異

復使人脅恐魏丞相以夫人賊殺侍婢事○趙廣漢傳云使中郎趙奉壽

而丞相司直繁君○趙廣漢傳司直蕭望之也繁君名延壽見望之傳時丙吉為丞相褚先生誤

于丞相已有廷尉傳在張廷尉語中○張廷尉傳並無于廷尉語

史記卷九十六考證

謹案卷九十五第一頁前八行沛徐州縣刊本縣
訛也今改

第二頁前一行先登下戶牖刊本牖訛牖正義同
今並改

第二頁後七行輾轅關在緱氏縣東南三十里刊
本關訛門今改

第四頁後二行三行雍即扶風雍縣刊本縣上行
一昌字今刪

第六頁前一行今朔州善陽縣北刊本今訛云據

王鏊本改

第九頁前二行破雍將軍馬氏諸本馬訛烏據索

隱改

第十六頁後四行東從韓信攻龍且留公旋高密

諸本旋訛於據索隱改

第十八頁後三行定州安平縣是刊本脫是字今

改

第二十頁前五行六行索隱述贊滕灌更王據傳
滕公夏侯嬰及灌嬰俱未封王此王字疑誤

卷九十六第六頁前三行曾孫越人刊本曾訛魯
今改

第九頁後三行宫外垣也刊本宮訛官今改

第十頁前二行集解一本無侯去病刊本侯訛此

據史本文改

第十頁後一行媼音七角反刊本七訛匕今改



欽定四庫全書

總校官庶吉士臣侍朝

校對官檢討臣郭寅

謄錄監生臣牛繼祖

謄錄監生臣藍嘉瑄

欽定四庫全書薈要

史部
史記卷九十七至

詳校官主事銜臣徐以坤



欽定四庫全書會要卷三千六百七十五

史部

史記卷九十七

漢 太 史 令司馬遷 撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

酈生陸賈列傳第三十七

酈生食其者

正義歷異
幾三音也

陳留高陽人也

集解徐廣曰今
在圉縣索隱案

高陽屬陳留圉縣高陽鄉名也故耆舊傳云食其圉高陽鄉人正義陳留風俗傳云高陽在雍丘西南括地志云圉城在汴州雍丘縣西南食其墓在雍丘西南二十八里蓋謂此也

好讀書家貧落魄

無以為衣食業

集解應劭曰落魄志行衰惡之貌也晉灼曰落薄落託義同索隱案鄭氏云魄

音薄為里監門吏

正義監音甲衫反戰國策云齊宣謂顏觸曰夫監門閭里士之賤也

然縣

中賢豪不敢役縣中皆謂之狂生及陳勝項梁等起諸

將徇地

正義徇畧也

過高陽者數十人酈生問其將皆握齮

集解應劭曰握齮急促之貌索隱應劭云齮音若促酈氏音鹿角反韋昭云握齮小節也

好苛禮隱

案苛亦作荷賈逵云苛煩也小顏云細也

自用不能聽大度之言酈生乃深

自藏匿後聞沛公將兵畧地陳留郊沛公麾下騎士適

酈生里中子也

集解服虔曰食其里中子適作沛公騎士索隱適音釋服虔蘇林皆云沛公騎

士適是食其里中人案言適近作騎士也

沛公時時問邑中賢士豪俊騎士

歸酈生見謂之曰吾聞沛公慢而易人多大畧此真吾

所願從游莫為我先

索隱先謂先容言無人為我作紹介也正義為于偽反

若見

沛公謂曰臣里中有酈生年六十餘長八尺人皆謂之

狂生生自謂我非狂生騎士曰沛公不好儒諸客冠儒

冠來者沛公輒解其冠漉溺其中

索隱漉所由反溺乃弔反亦如字漉即溺

義也與人言常大罵未可以儒生說也酈生曰弟言之騎

士從容言如酈生所識者沛公至高陽傳舍

集解徐廣曰二世三

年二月使人召酈生酈生至入謁沛公方倨牀使兩女子

洗足

索隱案樂彥云邊牀曰倨

而見酈生酈生入則長揖不拜曰足

下欲助秦攻諸侯乎且欲率諸侯破秦也沛公罵曰豎

儒

索隱案豎者僮僕之稱沛公輕之以比奴豎故曰豎儒

夫天下同苦秦久矣故

諸侯相率而攻秦何謂助秦攻諸侯乎酈生曰必聚徒

合義兵誅無道秦不宜倨見長者於是沛公輟洗起攝

衣

正義攝猶言歛著也

延酈生上坐謝之酈生因言六國從橫時

沛公喜賜酈生食問曰計將安出酈生曰足下起糾合

之衆

集解駢案一作烏合一作凡合

收散亂之兵不滿萬人欲以徑入

彊秦此所謂探虎口者也夫陳留天下之衝四通五達

之郊也

集解如淳曰四面中央凡五達也瓚曰四通五達言無險阻也

今其城又多積

粟臣善其令

正義言食其與陳留縣令相善也

請得使之令下足下

正義

令力征反下謂降之也

即不聽足下舉兵攻之臣為內應於是遣

酈生行沛公引兵隨之遂下陳留號酈食其為廣野君

酈生言其弟酈商使將數千人從沛公西南畧地酈生

常為說客馳使諸侯漢三年秋項羽擊漢拔滎陽漢兵

遁保鞏洛楚人聞淮陰侯破趙彭越數反梁地

索隱數音朔

則分兵救之淮陰方東擊齊漢王數困滎陽成臯計欲

捐成臯以東屯鞏洛以拒楚酈生因曰臣聞知天之天

者王事可成不知天之天者王事不可成王者以民人

為天而民人以食為天

索隱管子云王者以民為天民以食為天能知天之天者斯可

矣夫故倉天下轉輸久矣臣聞其下廼有藏粟甚多楚

人拔滎陽不堅守教倉廼引而東令適卒分守成臯

索隱

適音直革反案通俗文云罰罪云云即所謂謫戍也又音陟革反卒音租忽反

此乃天所以資

漢也方今楚易取而漢反却自奪其便

索隱以言不取教倉之粟是漢

自奪其便利也

臣竊以為過矣且兩雄不俱立楚漢久相持不

決百姓騷動海內搖蕩農夫釋耒工女下機

索隱案謂女工是工

巧也漢書作紅音工

天下之心未有所定也願足下急復進兵收

取滎陽據敖倉之粟

正義教倉在鄭州滎陽縣四十五里石門之東北臨汴水南帶三皇

山秦始皇時置倉於敖山上故名教倉

塞成臯之險

正義即汜水縣山

杜大行之

道

集解韋昭曰在河內野王北

距蜚狐之口

集解如淳曰上黨壺關也案蜚狐在代郡西南

正義按蔚州飛狐縣北五十里有秦漢故郡城西南有山俗號為飛狐口也

守白馬之津以

示諸侯効實形制之勢則天下知所歸矣方今燕趙已定唯齊未下今田廣據千里之齊田間將二十萬之衆軍於歷城諸田宗彊負海阻河濟南近楚人多變詐足下雖遣數十萬師未可以歲月破也臣請得奉明詔說齊王使為漢而稱東藩上曰善迺從其畫復守敖倉而使酈生說齊王曰王知天下之所歸乎王曰不知也曰

王知天下之所歸則齊國可得而有也若不知天下之
所歸即齊國未可得保也齊王曰天下何所歸曰歸漢
曰先生何以言之曰漢王與項王戮力西面擊秦約先
入咸陽者王之漢王先入咸陽項王負約不與而王之
漢中項王遷殺義帝漢王聞之起蜀漢之兵擊三秦出
關而責義帝之處收天下之兵立諸侯之後降城即以
侯其將得賂即以分其士與天下同其利豪英賢才皆
樂為之用諸侯之兵四面而至蜀漢之粟方船而下

索隱

案方船謂並舟也戰國策云方船積粟循江而下也

項王有倍約之名殺義帝之

負於人之功無所記於人之罪無所忘戰勝而不得其

賞拔城而不得其封非項氏莫得用事為人刻印刻而

不能授

集解孟康曰刻斷無復廉鍔也瓚曰項羽吝於爵賞玩惜侯印不能以封於人也索隱刻音五

官反案郭象注莊子云立法而刻斷無圭角漢書作玩言玩惜不忍授人

攻城得賂積而不

能賞天下畔之賢才怨之而莫為之用故天下之士歸

於漢王可坐而策也夫漢王發蜀漢定三秦涉西河之

外援上黨之兵

正義援音爰

下井陘誅成安君破北魏舉三

十二城

索隱北魏謂魏豹豹在河北故也亦謂之西魏以大梁在河南故也

此蚩尤之兵

也非人之力也天之福也今已據敖倉之粟塞成臯之險守白馬之津杜太行之阪距蜚狐之口天下後服者先亡矣王疾先下漢王齊國社稷可得而保也不下漢王危亡可立而待也田廣以為然廼聽酈生罷歷下兵守戰備與酈生日縱酒淮陰侯聞酈生伏軾下齊七十餘城廼夜度兵平原襲齊齊王田廣聞漢兵至以為酈生賣已廼曰汝能止漢軍我活汝不然我將烹汝酈生

曰舉大事不細謹威德不辭讓而公不為若更言齊王

遂烹酈生引兵東走漢十二年曲周侯酈商以丞相將

兵擊黥布有功高祖舉列侯功臣思酈食其酈食其子

酈疥數將兵功未當侯上以其父故封疥為高梁侯後

更食武遂嗣三世

索隱疥音界地理志武遂屬河間案漢書作武陽子遂衍字誤也

元

狩元年中武遂侯平

正義年表云卒子敬嗣卒子平嗣元年有罪國除而漢書云更食武

陽子遂嗣恐漢書誤也

坐詐詔衡山王取百斤金當棄市病死國

除也

陸賈者楚人也

索隱案陳留風俗傳云陸氏春秋時陸渾國之後晉侯伐之故陸渾子奔楚賈

其後又陸氏譜云齊宣公友子達食采於陸鄉號曰陸侯達生發發生畢適楚賈其孫也以客從高

祖定天下名為有口辯士居左右常使諸侯及高祖時

中國初定尉他平南越因王之

索隱趙他為南越尉故曰尉他他音馳

高

祖使陸賈賜尉他印為南越王陸生至尉他魼結

集解服虔

曰魼音椎今兵士椎頭結索隱魼直追反結音計謂為髻一撮以椎而結之故字從結且案魼結二字依字讀之亦通謂夷人本被髮左衽今他同其風俗但魼其髮而結之也箕倨見陸生陸生因

進說他曰足下中國人親戚昆弟墳墓在真定

索隱趙地也本

名東垣
屬常山

今足下反天性棄冠帶欲以區區之越與天子

抗衡為敵國

索隱案崔浩云抗對也衡車輓上橫木抗衡言兩衡相對拒率不相避下也

禍

且及身矣且夫秦失其政諸侯豪傑並起唯漢王先入
關據咸陽項羽倍約自立為西楚霸王諸侯皆屬可謂
至彊然漢王起巴蜀鞭笞天下劫畧諸侯遂誅項羽滅
之五年之間海內平定此非人力天之所建也天子聞
君王王南越不助天下誅暴逆將相欲移兵而誅王天
子憐百姓新勞苦故且休之遣臣授君王印剖符通使

君王宜郊迎北面稱臣廼欲以新造未集之越屈彊於此漢誠聞之掘燒王先人家夷滅宗族使一偏將將十萬衆臨越則越殺王降漢如反覆手耳於是尉他廼蹶然起坐

索隱蘇林音厥禮記子夏蹶然而起埤蒼云蹶起也

謝陸生曰居蠻夷中

久殊失禮義因問陸生曰我孰與蕭何曹參韓信賢陸生曰王似賢復曰我孰與皇帝賢陸生曰皇帝起豐沛討暴秦誅彊楚為天下興利除害繼五帝三皇之業統理中國中國之人以億計地方萬里居天下之膏腴人

衆車輦萬物殷富政由一家自天地剖泮未始有也今

王衆不過數十萬皆蠻夷崎嶇山海間譬若漢一郡王

何廼比於漢尉他大笑曰吾不起中國故王此使我居

中國何渠不若漢

集解駟案渠音詎索隱漢書作遽字小顏以為有何迫切而不如漢也

廼大說陸生留與飲數月曰越中無足與語至生來令

我日聞所不聞賜陸生橐中裝直千金

集解張晏曰珠玉之寶也裝裹

也索隱橐音托案如淳云以為明月珠之屬又案詩傳大曰橐小曰囊埤蒼云有底曰囊無底曰橐謂以寶物

裝裹以入囊橐也

他送亦千金

集解蘇林曰非橐中物故曰他送也

陸生卒拜尉

他為越王令稱臣奉漢約歸報高祖大悅拜賈為太中

大夫陸生時時前說稱詩書高帝罵之曰廼公居馬上

而得之安事詩書陸生曰居馬上得之寧可以馬上治

之乎且湯武逆取而以順守之文武並用長久之術也

昔者吳王夫差智伯極武而亡秦任刑法不變卒滅趙

氏集解駟案趙氏秦姓也索隱案韋昭云秦伯繫後與趙同出蜚廉造父有功周繆王封之趙由此一姓趙

氏鄉使秦已并天下行仁義法先聖陛下安得而有之

高帝不懌而有慙色廼謂陸生曰試為我著秦所以失

天下吾所以得之者何及古成敗之國陸生廼粗述存

亡之徵凡著十二篇每奏一篇高帝未嘗不稱善左右

呼萬歲號其書曰新語

正義七錄云新語二卷陸賈撰也

孝惠帝時呂

太后用事欲王諸呂畏大臣有口者陸生自度不能爭

之廼病免家居以好畊田地善

正義時音止雍州縣也

可以家焉

有五男廼出所使越得橐中裝賣千金

正義漢制一金直千貫

分

其子子二百金令為生產陸生常安車駟馬從歌舞鼓

琴瑟侍者十人寶劍直百金謂其子曰與汝約

集解徐廣曰汝

一作公 過汝汝給吾人馬酒食極欲十日而更所死家得

寶劍車騎侍從者一歲中往來過他客率不過再三過

索隱率音律過音戈

數見不鮮

索隱音朔現數見謂時

其下過字音光卧反

令鮮美作食莫令見不鮮之物也

漢書作數擊鮮如淳云新殺曰鮮無久恩公為也

集解

曰恩汚辱索隱恩惠也公賈自謂也言汝諸子無久厭惠公也

呂太后時王諸呂諸呂

擅權欲劫少主危劉氏右丞相陳平患之力不能爭恐

禍及已常燕居深念陸生往請

集解駟案漢書音義曰請若問起居

直入

坐而陳丞相方深念不時見陸生

索隱深念深思之也

陸生曰何

念之深也陳平曰生揣我何念

集解孟康曰揣度也韋昭曰揣音初委反

陸

生曰足下位為上相食三萬戶侯

索隱案陳平傳食戶五千以曲逆泰時有

三萬戶恐復業至此故稱也

可謂極富貴無欲矣然有憂念不過患

諸呂少主耳陳平曰然為之奈何陸生曰天下安注意

相天下危注意將將相和調則士務附士務附

集解徐廣曰務

一作豫

天下雖有變即權不分為社稷計在兩君掌握耳

臣常欲謂太尉絳侯絳侯與我戲易吾言君何不交驩太尉深相結為陳平畫呂氏數事陳平用其計廼以五

百金為絳侯壽厚具樂飲太尉亦報如之此兩人深相
結則呂氏謀益衰陳平廼以奴婢百人車馬五十乘錢
五百萬遺陸生為飲食費陸生以此游漢廷公卿間名
聲籍盛

集解駟案漢書音義曰言狼籍甚盛

及誅諸呂立孝文帝陸生頗

有力焉孝文帝即位欲使人之南越陳丞相等乃言陸
生為太中大夫往使尉他令尉他去黃屋稱制令比諸
侯皆如意旨語在南越語中陸生竟以壽終

平原君朱建者楚人也故嘗為淮南王黥布相有皐去

後復事黥布布欲反時問平原君平原君止之布不聽

而聽梁父侯遂反

索隱梁父侯史失名如淳注漢書云遂布臣非也臣瓚曰布不用梁父侯

計遂反耳其說是也

漢已誅布聞平原君諫不與謀

正義與音預

得不

誅語在黥布語中

集解駟案黥布列傳無此語

平原君為人辯有口

刻廉剛直家於長安行不苟合義不取容辟陽侯行不

正得幸呂太后時辟陽侯欲知平原君平原君不肯見

及平原君母死陸生素與平原君善過之平原君家貧

未有以發喪

索隱案劉氏云謂欲葬時須啓發殯宮故云發喪也

方假貸服具陸

生令平原君發喪陸生往見辟陽侯賀曰平原君母死

辟陽侯曰平原君母死何乃賀我乎陸賈曰前日君侯

欲知平原君平原君義不知君以其母故

集解張晏曰相知當同恤

災危母在故義不知君索隱案崔浩云建以母在義不以身許人也

今其母死君誠厚送

喪則彼為君死矣辟陽侯乃奉百金往稅

集解韋昭云衣服曰稅稅

當為襚索隱案說文稅贈終服也襚音式芮反亦音遂

列侯貴人以辟陽侯故往

稅凡五百金辟陽侯幸呂太后人或毀辟陽侯於孝惠

帝孝惠帝大怒下吏欲誅之呂太后慙不可以言大臣

多害辟陽侯行欲遂誅之辟陽侯急因使人欲見平原

君平原君辭曰獄急不敢見君廼求見孝惠帝幸臣閼

籍孺

索隱按倭幸傳云高祖時有籍孺孝惠時有閼孺今總言閼籍孺誤也

說之曰君所

以得幸帝天下莫不聞今辟陽侯幸太后而下吏道路

皆言君讒欲殺之今日辟陽侯誅旦日太后含怒亦誅

君何不肉袒為辟陽侯言於帝帝聽君出辟陽侯太后

大驩兩主共幸君君貴富益倍矣於是閼籍孺大恐從

其計言帝果出辟陽侯辟陽侯之囚欲見平原君平原

君不見辟陽侯辟陽侯以為倍已大怒及其成功出之

廼大驚呂太后崩大臣誅諸呂辟陽侯於諸呂至深

集解

如淳曰辟陽侯與諸呂相親信也為罪宜誅者至深索隱如淳之說非也案小顏云直言辟陽侯與諸呂相知情義至深重得其理也而卒不誅計畫所以全者皆陸生平原君

之力也孝文帝時淮南厲王殺辟陽侯以諸呂故文帝聞其客平原君為計策使吏捕欲治聞吏至門平原君欲自殺諸子及吏皆曰事未可知何早自殺為平原君曰我死禍絕不及而身矣遂自剄孝文帝聞而惜之曰

吾無意殺之廼召其子拜為中大夫

索隱案下文所謂與太史公善者

使匈奴單于無禮廼罵單于遂死匈奴中初沛公引兵

過陳留酈生踵軍門上謁曰高陽賤民酈食其竊聞沛

公暴露將兵助楚討不義敬勞從者願得望見口畫天

下便事使者入通沛公方洗問使者曰何如人也使者

對曰狀貌類大儒衣儒衣冠側注

集解徐廣曰側注冠一名高山冠齊王所

服以賜謁者

沛公曰為我謝之言我方以天下為事未暇見

儒人也使者出謝曰沛公敬謝先生方以天下為事未

暇見儒人也酈生瞋目案劍叱使者曰走復入言沛公

吾高陽酒徒也

集解徐廣曰一本言而公高陽酒徒

非儒人也使者懼而

失謁跪拾謁還走復入報曰客天下壯士也叱臣臣恐
至失謁曰走復入言而公高陽酒徒也沛公遽雪足杖
矛曰延客入酈生入揖沛公曰足下甚苦暴衣露冠將
兵助楚討不義足下何不自喜也臣願以事見而曰吾
方以天下為事未暇見儒人也夫足下欲興天下之大
事而成天下之大功而以目皮相恐失天下之能士且

吾度足下之智不如吾勇又不如吾若欲就天下而不相見竊為足下失之沛公謝曰鄉者聞先生之容今見先生之意矣廼延而坐之問所以取天下者酈生曰夫足下欲成大功不如止陳留陳留者天下之據衝也兵之會地也積粟數千萬石城守甚堅臣素善其令願為足下說之不聽臣臣請為足下殺之而下陳留足下將陳留之衆據陳留之城而食其積粟招天下之從兵從兵已成足下橫行天下莫能有害足下者矣沛公曰敬

聞命矣於是酈生廼夜見陳留令說之曰夫秦為無道而天下畔之今足下與天下從則可以成大功今獨為亡秦嬰城而堅守臣竊為足下危之陳留令曰秦法至重也不可以妄言妄言者無類吾不可以應先生所以教臣者非臣之意也願勿復道酈生留宿臥夜半時斬陳留令首踰城而下報沛公沛公引兵攻城縣令首於長竿以示城上人曰趣下而今頭已斷矣今後下者必先斬之於是陳留人見令已死遂相率而下沛公沛公

舍陳留南城門上因其庫兵食積粟留出入三月從兵以萬數遂入破秦

太史公曰世之傳酈生書多曰漢王已拔三秦東擊項籍而引軍於鞏洛之間酈生被儒衣往說漢王廼非也自沛公未入關與項羽別而至高陽得酈生兄弟余讀陸生新語書十二篇固當世之辯士至平原君子與余善是以得具論之

索隱述贊曰廣野大度始冠側注踵門長揖深器重遇說齊歷下趣鼎何懼陸賈使越尉他懾怖相說國

安書成
主悟

史記卷九十七

史記卷九十七考證

酈生陸賈列傳何渠不若漢索隱漢書作遽字小顏以
為有何迫促而不如漢也○董份曰渠字即如漢書
作遽字遽與遂通言何遂不如漢耳

布不聽而聽梁父侯遂反索隱梁父侯史失名如淳注
漢書云遂布臣非也臣瓚曰布不用梁父侯計遂反
耳其說是也○徐孚遠曰瓚說與本文正相反也當
依傳說梁父侯導黥布反耳臣照按瓚說非與本文

相反乃傳寫之訛多一不字耳

初沛公引兵過陳留酈生踵軍門上謁○茅坤曰當入
前酈生傳而今乃以復出附平原君傳後蓋太史公
初本世所傳酈生書由高帝距羽於鞏洛之間而以
衣儒衣見及與平原君之子善乃得酈生本由高帝
過高陽時見云云遂草次如此蓋其未定稿也誤見
於此耳臣照按史記事兩見而小異者甚多蓋史家
法信以傳信疑以傳疑不臆斷也子曰吾猶及史之

闕文此其遺意歟

史記卷九十七考證

欽定四庫全書薈要卷三千六百七十六

史部

史記卷九十八

漢

太

史

令司馬遷

撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

傅靳蒯成列傳第三十八

陽陵侯傳寬

集解駙案地理志云馮翊陽陵縣

以魏五大夫騎將從為

舍人起橫陽

索隱按橫陽邑名在韓韓公子成初封橫陽君張良立為韓王也正義括地志云故

橫城在宋州宋城縣西南三十里按蓋橫陽也

從攻安陽

正義後魏地形志云已氏有安陽城隋改

已氏為楚丘今宋州楚丘縣西十里安陽故城是也

杠里擊趙賁軍於開封及擊

楊熊曲遇

正義曲丘羽反遇牛恭反司馬彪郡國志云中牟有曲遇聚按鄭州中牟縣也

陽武

正義鄭州縣也

斬首十二級賜爵卿從至霸上沛公立為漢王

漢王賜寬封號共德君

索隱謂美號爾非地邑共音恭

從入漢中遷為

右騎將從定三秦賜食邑雕陰

集解徐廣曰屬上郡索隱按孟康云縣名也正

義廊州洛交縣三十里雕陰故城是也

從擊項籍待懷

集解服虔曰待高帝於懷索隱小顏

案地理志懷屬河內今懷州也

賜爵通德侯從擊項冠周蘭龍且所將

卒斬騎將一人教下

集解徐廣曰教倉之下

益食邑屬淮陰

索隱張晏

云信時為將云淮陰者終言之也

擊破齊歷下軍擊田解屬相國參殘

博

索隱博太山縣也顧祕監云屬曹參以殘破博縣也

益食邑因定齊地剖符世

世勿絕封為陽陵侯二千六百戶除前所食為齊右丞

相備齊

集解張晏曰時田橫未降故設屯備正義按為齊王韓信相

五歲為齊相國

正義為齊悼惠王劉肥相五歲也

四月擊陳豨屬太尉勃以相國代丞

相噲擊豨一月徙為代相國將屯

集解如淳曰既為相國有警則將卒而屯

守也案律謂勒兵而守曰屯索隱如淳云漢初諸王官屬如漢朝故代有丞相案孔文祥云邊境有屯兵寬為代相國兼領屯後因置將屯將軍也二歲為代丞相將屯孝惠五年卒謚

為景侯子頃侯精立二十四年卒子共侯則立十二年

卒子侯偃立二十一年坐與淮南王謀反死國除

信武侯靳歙

索隱歙音翕

以中涓從起宛朐

正義上於元反下求俱反曹州

縣也攻濟陽

正義曹州宛朐縣西南三十五里濟陽故城

破李由軍擊秦軍亳

南開封東北斬騎十人將一人

集解徐廣曰將一作侯

首五十七

級捕虜七十三人賜爵封號臨平君又戰藍田北斬車

司馬二人

集解張晏曰主官車

騎長一人

集解張晏曰騎之長

首二十八級

捕虜五十七人至霸上沛公立為漢王賜歛爵建武侯

遷為騎都尉從定三秦別西擊章平軍於隴西破之定

隴西六縣所將卒斬車司馬侯各四人騎長十二人從

東擊楚至彭城漢軍敗還保雍丘去擊反者王武等略

梁地別將擊邢說軍

集解張晏曰特起兵者也說音悅索隱邢姓說名

留南

集解

徐廣曰今日考城索隱留音災今為考城屬濟陰也

破之身得說都尉二人司馬

侯十二人降吏卒四千六百八十人破楚軍滎陽東三

年賜食邑四千二百戶別之河內擊趙將賁郝

集解駟案上音

肥下音釋索隱漢書作趙賁軍案此在河北非曹參樊噲之所擊也

軍朝歌破之所將卒

得騎將二人車馬二百五十匹從攻安陽以東至棘蒲

下七縣別攻破趙軍得其將司馬二人候四人降吏卒

二千四百人從攻下邯鄲別下平陽

集解徐廣曰鄴有平陽城正義括地

志云平陽故城在相州臨漳縣西二十五里

身斬守相所將卒斬兵守郡守

各一人

集解孟康曰將兵郡守

降鄴從攻朝歌邯鄲及別擊破趙

軍降邯鄲郡六縣

集解徐廣曰邯鄲高帝改曰趙國

還軍敖倉破項籍

軍成臯南擊絕楚饒道起滎陽至襄邑破項冠軍魯下

正義魯城之下今兗州曲阜縣也

略地東至繒郟下邳

索隱案地理志繒屬東海正義

今繒城在沂州永縣下邳泗水縣郟縣屬海州

南至蘄竹邑

索隱二邑名蘄在沛音機竹即竹邑

擊項悍濟陽下還擊項籍陳下破之別定江陵降江陵

柱國大司馬以下八人身得江陵王

索隱案孔文祥云共敖子共尉

生

致之雒陽因定南郡從至陳取楚王信剖符世世勿絕
定食四千六百戶號信武侯以騎都尉從擊代攻韓信
平城下還軍東垣有功遷為車騎將軍并將梁趙齊燕

楚車騎別擊陳豨丞相敞破之

索隱小顏云侯敞也

因降曲逆從

擊黥布有功益封定食五千三百戶凡斬首九十級虜

百三十二人別破軍十四降城五十九定郡國各一縣

二十三得王柱國各一人二千石以下至五百石

集解徐廣

曰一本無此五字

三十九人高后五年歟卒謚為肅侯子亭代

侯二十一年坐事國人過律

索隱案劉氏云事役使也謂使人違律數多也

孝

文後三年奪侯國除

蒯成侯緡者

集解服虔曰蒯音管蒯之蒯索隱姓周名緡音薛蒯者鄉名案三蒼云蒯鄉在城父

縣音裴漢書作酈從崩從邑今書本並作管蒯音非也
蘇林音簿催反晉灼案功臣表屬長沙崔浩音簿環反
楚漢春秋作憑成侯則裴憑聲相近此得其實也正義
括地志云蒯亭在河南西十四里苑中輿地志云蒯成
縣故陳倉縣之故鄉聚名也周緤所封也晉武
帝咸寧四年分陳倉立蒯成縣屬始平郡也 沛人也

姓周氏常為高祖參乘以舍人從起沛至霸上西入蜀

漢還定三秦食邑池陽

正義雍州涇陽縣西北三里池陽故城是也

東絕甬

道從出度平陰遇淮陰侯兵襄國軍乍利乍不利終無

離上心

集解徐廣曰蒯成侯表云遇淮陰侯軍襄國楚漢約分鴻溝以緤為信武侯戰不利不敢離上

以緤為信武侯食邑三千三百戶高祖十二年以緤為

蒯成侯除前所食邑上欲自擊陳豨蒯成侯泣曰始秦

攻破天下未嘗自行今上常自行是為無人可使者乎

上以為愛我賜入殿門不趨殺人不死至孝文五年縶

以壽終諡為貞侯

正義諡為尊侯一作卓

子昌代侯有罪國除至

孝景中二年封繆子居代侯

集解徐廣曰表云孝景中元年封繆子應為鄆侯諡

康中二年侯居立沛郡有鄆縣鄆一作鄆索隱鄆蘇林音多屬陳國地理志云沛郡有鄆縣案此文云子居表

云子應不同也

至元鼎三年居為太常有罪國除

太史公曰陽陵侯傳寬信武侯靳歙皆高爵

集解徐廣曰一無高

字又一本
皆從高祖

從高祖起山東攻項籍誅殺名將破軍降城

以十數未嘗困辱此亦天授也蒯成侯周緤操心堅正

索隱操音
倉高反

身不見疑上欲有所之未嘗不垂涕此有傷

心者

集解徐廣曰
此一作比

然可謂篤厚君子矣

索隱述贊曰陽陵信武結髮從漢動協人謀功實天
贊定齊破項我軍常冠蒯成委質夷險不亂主上稱

忠人臣

扼腕

史記卷九十八

史記卷九十八考證

傅靳蒯成列傳陽陵侯傅寬地理志云馮翊陽陵縣○

臣照按漢地理志陽陵故弋陽景帝更置高帝時不容先有此名年表索隱云楚漢春秋作陰陵

從攻安陽以東至棘蒲○

臣召南按棘蒲地不可考左

傳哀公元年師及齊師衛師鮮虞人伐晉取棘蒲則是晉邑而杜不言所在是其地在趙魏之間

身得江陵王索隱按孔文祥云共敖子共尉○臣照按

共尉嗣臨江王此乃因其所都而以江陵王稱之

居為太常有罪國除○漢表云坐為太常收赤側錢不收完為城旦

史記卷九十八考證

欽定四庫全書薈要卷三千六百七十七

史部

史記卷九十九

漢太史令司馬遷撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

劉敬叔孫通列傳第三十九

劉敬者齊人也

索隱敬本姓婁漢書作婁敬

漢五年戍隴西過洛陽

高帝在馬婁敬脫輓輅

集解蘇林曰一木橫鹿車前一人推之孟康曰輅音胡格反輓

音晚索隱輓者牽也輅者鹿車前橫木二人前輓一人後推之

衣其羊裘見齊人虞將

軍曰臣願見上言便事虞將軍欲與之鮮衣

索隱鮮音仙鮮衣美

服婁敬曰臣衣帛衣帛見衣褐衣褐見終不敢易衣於

是虞將軍入言上上召入見賜食已而問婁敬婁敬說

曰陛下都洛陽豈欲與周室比隆哉上曰然婁敬曰陛

下取天下與周室異周之先自后稷堯封之邵

正義邵音胎雍

州武功縣西南二十三里故釐城是也說文云邵炎帝之後姜姓所封國弃外家也毛萇云邵姜嫄國堯見天

因郃而生后稷積德累善十有餘世公劉避桀居豳大故因封於郃也

王以狄伐故去豳杖馬箠居岐

集解張晏曰言馬箠示約

國人爭隨

之及文王為西伯斷虞芮之訟始受命呂望伯夷自海

濱來歸之

正義呂望宅及廟在蘇州海鹽縣西也伯夷孤竹國在平州皆濱東海也

武王伐

紂不期而會孟津之上八百諸侯皆曰紂可伐矣遂滅

殷成王即位周公之屬傅相焉廼營成周洛邑

正義括地志云

故王城一名河南城本鄭鄩周公所築在洛州河南縣北九里苑中東北隅帝王紀云武王伐紂營洛邑而定鼎焉按此即營都城也書云乃營成周括地志云洛陽故城在洛州洛陽城東二十六里周公所築即成周城

也尚書曰成周既成遷殷頑民帝王世紀云居邶鄘之衆按劉敬說周之美豈言居頑民之所以此而論漢書非以此為天下之中也諸侯四方納貢職道里均矣有

德則易以王無德則易以亡凡居此者欲令周務以德致人不欲依阻險令後世驕奢以虐民也及周之盛時

天下和洽四夷鄉風慕義懷德附離而並事天子

集解駟案

莊子曰附離不以膠漆也索隱案謂使離者相附也

不屯一卒不戰一士八夷大

國之民莫不賓服效其貢職及周之衰也分而為兩

正義

公羊傳云東周者何成周也西周者何王城也按周自平王東遷以下十二王皆都王城至敬王乃遷都成周

王赧又居
王城也

天下莫朝周不能制也非其德薄也而形勢

弱也今陛下起豐沛收卒三千人以之徑往而卷蜀漢

定三秦與項羽戰滎陽爭成臯之口大戰七十小戰四

十使天下之民肝腦塗地父子暴骨中野不可勝數哭

泣之聲未絕傷痍者未起而欲比隆於成康之時臣竊

以為不侔也且夫秦地被山帶河四塞以為固卒然有

急百萬之眾可具也因秦之故資甚美膏腴之地此所

謂天府者也

索隱案戰國策蘇秦說惠王曰大王之國地勢形便此所謂天府高誘注云府聚也

陛下入關而都之山東雖亂秦之故地可全而有也夫

與人鬪不搯其肱

集解張晏曰肱喉嚨也索隱搯音厄肱音胡浪反一音胡剛反蘇林以為

肱頸大脈俗所謂胡脈也

拊其背未能全其勝也今陛下入關而都

案秦之故地此亦搯天下之肱而拊其背也高帝問羣

臣羣臣皆山東人爭言周王數百年秦二世即亡不如

都周上疑未能決及留侯明言入關便即日車駕西都

關中

索隱案謂即日西都之計定也

於是上曰本言都秦地者妻敬妻

者乃劉也賜姓劉氏拜為郎中號為奉春君

索隱按張晏云春為

歲之始以其首謀都
關中故號奉春君

漢七年韓王信反高帝自往擊之

至晉陽聞信與匈奴欲共擊漢上大怒使人使匈奴匈

奴匿其壯士肥牛馬但見老弱及羸畜

集解上力為反下許又反

使

者十輩來皆言匈奴可擊上使劉敬復往使匈奴還報

曰兩國相擊此宜夸矜見所長

集解韋昭曰夸張矜大也

今臣往徒

見羸瘠老弱

索隱羸力為反瘠音搜瘠瘦也漢書作猗音漬猗肉也恐非

此必欲見

短伏奇兵以爭利愚以為匈奴不可擊也是時漢兵已

踰句注

正義句注山在代州鴈門縣西北三十里

二十餘萬兵已業行上怒

罵劉敬曰齊虜以口舌得官今廼妄言沮吾軍

索隱沮音才叙

反詩傳曰沮止也壞也

械繫敬廣武

索隱地理志縣名屬鴈門正義廣武故縣在勾注山南也

遂往至平城匈奴果出奇兵圍高帝白登七日然後得

解高帝至廣武赦敬曰吾不用公言以困平城吾皆以

斬前使十輩言可擊者矣廼封敬二千戶為關內侯號

為建信侯高帝罷平城歸韓王信亡入胡當是時冒頓

為單于兵彊控弦三十萬

集解應劭曰控引也

數苦北邊上患之

問劉敬劉敬曰天下初定士卒罷於兵未可以武服也

冒頓殺父代立妻羣母以力為威未可以仁義說也獨
可以計久遠子孫為臣耳然恐陛下不能為上曰誠可
何為不能顧為奈何劉敬對曰陛下誠能以適長公主
妻之厚奉遺之彼知漢適女送厚蠻夷必慕以為閼氏
生子必為太子代單于何者貪漢重幣陛下以歲時漢
所餘彼所鮮數問遺因使辯士風諭以禮節冒頓在固
為子婿死則外孫為單于豈嘗聞外孫敢與大父抗禮
者哉兵可無戰以漸臣也若陛下不能遣長公主而令

宗室及後宮詐稱公主彼亦知不肯貴近無益也高帝

曰善欲遣長公主呂后日夜泣曰妾唯太子一女奈何

棄之匈奴上竟不能遣長公主而取家人子名為長公

主妻單于使劉敬往結和親約劉敬從匈奴來因言匈

奴河南白羊樓煩王

集解張晏曰白羊匈奴國名索隱案張晏云白羊國名二者並在河

南河南者案在朔方之河南舊並匈奴地也今亦謂之新秦中

去長安近者七百里輕

騎一日一夜可以至秦中秦中新破少民地肥饒可益

實夫諸侯初起時非齊諸田楚昭屈景莫能興今陛下

雖都關中實少人北近胡寇東有六國之族宗彊一日
有變陛下亦未得高枕而臥也臣願陛下徙齊諸田楚
昭屈景燕趙韓魏後及豪桀名家居關中無事可以備
胡諸侯有變亦足率以東伐此彊本弱末之術也上曰
善迺使劉敬徙所言關中十餘萬口

索隱案小顏云今高陵櫟陽諸田華

陰好時諸景及三輔諸屈

諸懷尚多皆此時所徙

叔孫通者薛人也

集解晉灼曰楚漢春秋名何索隱薛縣名屬魯國

秦時以文

學徵待詔博士數歲陳勝起山東使者以聞二世召博

士諸儒生問曰楚戍卒攻蘄入陳於公如何博士諸生

三十餘人前曰人臣無將將即反罪死無赦

集解瓚曰將謂逆亂

也公羊傳曰君親無將將而必誅

願陛下急發兵擊之二世怒作色叔

孫通前曰諸生言皆非也夫天下合為一家毀郡縣城

鑠其兵示天下不復用且明主在其上法令具於下使

人人奉職四方輻輳安敢有反者此特羣盜鼠竊狗盜

耳何足置之齒牙間郡守尉今捕論何足憂二世喜曰

善盡問諸生諸生或言反或言盜於是二世令御史案

諸生言反者下吏非所宜言諸言盜者皆罷之廼賜叔

孫通帛二十匹衣一襲

索隱案國語謂之一稱賈逵案禮記袍必有表不單衣必有裳

謂之一稱杜預云衣單複具云稱也

拜為博士叔孫通已出宮反舍諸生

曰先生何言之諛也通曰公不知也我幾不脫於虎口

正義幾音祈

廼亡去之薛薛已降楚矣及項梁之薛叔孫通

從之敗於定陶從懷王懷王為義帝徙長沙叔孫通留
事項王漢二年漢王從五諸侯入彭城叔孫通降漢王
漢王敗而西因竟從漢叔孫通儒服漢王憎之廼變其

服服短衣楚製

索隱案孔文祥云短衣便事非儒者衣服高祖楚人故從其俗裁製

漢王

喜叔孫通之降漢從儒生弟子百餘人然通無所言進

專言諸故羣盜壯士進之弟子皆竊罵曰事先生數歲

幸得從降漢今不能進臣等專言大猾何也

索隱案類集云大猾

狡猾也

叔孫通聞之廼謂曰漢王方蒙矢石爭天下

集解

音滑
駟案漢書音義曰謂發石以投人

諸生寧能關乎故先言斬將搴旗之

士集解張晏曰搴卷也瓚曰拔取曰搴楚辭曰朝搴阰之木蘭索隱搴音起馮反又已勉反案方言云南方

取物云搴許慎云搴取也王逸云阰山名又案埤蒼云山在楚音毗

諸生且待我我不忘

矣漢王拜叔孫通為博士號稷嗣君

集解徐廣曰蓋言其德業足以繼蹤

齊稷下之風流也駟案漢書音義曰稷嗣邑名

漢五年已并天下諸侯共尊漢

王為皇帝於定陶叔孫通就其儀號高帝悉去秦苛儀
法為簡易羣臣飲酒爭功醉或妄呼拔劍擊柱高帝患
之叔孫通知上益厭之也說上曰夫儒者難與進取可
與守成臣願徵魯諸生與臣弟子共起朝儀高帝曰得
無難乎叔孫通曰五帝異樂三王不同禮禮者因時世
人情為之節文者也故夏殷周之禮所因損益可知者

謂不相復也臣願頗采古禮與秦儀雜就之上曰可試
為之令易知度吾所能行為之於是叔孫通使徵魯諸
生三十餘人魯有兩生不肯行曰公所事者且十主皆
面諛以得親貴今天下初定死者未葬傷者未起又欲
起禮樂禮樂所由起積德百年而後可興也吾不忍為
公所為公所為不合古吾不行公往矣無汙我叔孫通
笑曰若真鄙儒也不知時變遂與所徵三十人西及上
左右為學者與其弟子百餘人為綿叢

集解徐廣曰表
位標準音子外

反駟案如淳曰置設綿索為習隸處蕞謂以茅翦樹地為纂位春秋傳曰置茅蕞也索隱韋昭云引繩為綿立表為蕞音茲會反賈逵云束茅以表位為蕞又纂文云蕞今之纂字包愷音即悅反又音纂 野外習

之月餘叔孫通曰上可試觀上既觀使行禮曰吾能為

此廼令羣臣習肄

索隱肄亦習也音異

會十月漢七年長樂宮成

諸侯羣臣皆朝十月

索隱小顏云漢以十月為正故行朝歲之禮史家追書十月也案諸

書並云十月為歲首不言以十月為正月古今注亦云羣臣始朝十月也

儀先平明謁者治

禮引以次入殿門廷中陳車騎步卒衛宮設兵張旗志

集解徐廣

傳言趨

索隱案小顏傳聲教入殿下郎中俠者皆令趨疾行致敬也

殿下郎中俠

陞陞數百人功臣列侯諸將軍軍吏以次陳西方東鄉

文官丞相以下陳東方西鄉大行設九賓臚句傳

集解駢案

漢書音義曰傳從上下為臚索隱蘇林云上傳語告下為臚下傳語告上為句臚猶行者矣韋昭云大行掌賓客之禮今謂之鴻臚也九賓則周禮九儀也謂公侯伯子男孤卿大夫士也漢依此以為臚傳以次傳令上也向秀注莊子云從上語下為臚音閤句音九注反於是皇帝輦出房百官執職

傳警

集解徐廣曰一作幟索隱索與服志云殷周以輦載軍器職載芻豢至秦始皇去其輪而輿為尊也職

音幟傳警者漢儀云帝輦動則左右侍幃幄者稱警是也

引諸侯王以下至吏六百

石以次奉賀自諸侯王以下莫不振恐肅敬至禮畢復

置法酒

集解文穎曰作酒令法也蘇林曰常會須天子中起更衣然後入置酒矣索隱姚氏云進止有

禮也古人飲酒不過三爵君臣百拜終日宴不為亂也

諸侍坐殿上皆伏抑首

集解

如淳曰抑屈也以尊卑次起上壽觴九行謁者言罷酒御史執

法舉不如儀者輒引去竟朝置酒無敢謹譁失禮者於

是高帝曰吾廼今日知為皇帝之貴也廼拜叔孫通為

太常賜金五百斤叔孫通因進曰諸弟子儒生隨臣久

矣與臣共為儀願陛下官之高帝悉以為郎叔孫通出

皆以五百斤金賜諸生諸生廼皆喜曰叔孫生誠聖人

也知當世之要務漢九年高帝徙叔孫通為太子太傅

漢十二年高祖欲以趙王如意易太子叔孫通諫上曰

昔者晉獻公以驪姬之故廢太子立奚齊晉國亂者數

十年為天下笑秦以不早定扶蘇令趙高得以詐立胡

亥自使滅祀此陛下所親見今太子仁孝天下皆聞之

呂后與陛下攻苦食啖

集解徐廣曰攻猶今人言擊也啖一作淡駟案如淳曰食無菜

茹為啖索隱案孔文祥云與帝共攻冒苦難俱食淡也案說文淡薄味也音唐敢反

其可背哉陛下

下必欲廢適而立少臣願先伏誅以頸血汙地

索隱楚漢春秋

叔孫何云臣三諫不從請以身當之撫劍將自殺上離席云吾聽子計不易太子

高帝曰公罷

矣吾直戲耳叔孫通曰太子天下本一搖天下振動

奈何以天下為戲高帝曰吾聽公言及上置酒見留侯

所招客從太子入見上廼遂無易太子志矣高帝崩孝

惠即位廼謂叔孫生曰先帝園陵寢廟羣臣莫能習從

為太常定宗廟儀法及稍定漢諸儀法皆叔孫生為太

常所論著也孝惠帝為東朝長樂宮

集解駟案關中記曰長樂宮本秦之

興樂宮也漢太后常居之

及間往來數蹕煩人

索隱韋昭云蹕止人行也長樂未央宮東

相去稍遠間往謂非時也

中間往來清道煩人也 廼作複道方築武庫南

集解韋昭

曰閣道也如淳曰作複道方始築武庫南

叔孫生奏事因請間曰陛下何自

築複道高寢衣冠月出游高廟高廟漢太祖奈何令後

世子孫乘宗廟道上行哉

集解應劭曰月出高帝衣冠備法駕名曰游衣冠如淳曰

三輔黃圖高寢在高廟西高祖衣冠藏在高寢月出游於高廟其道值所作複道故言乘宗廟道上行

孝

惠帝大懼曰急壞之叔孫生曰人主無過舉

索隱案謂舉動有過

也左傳云君舉必書

今已作百姓皆知之今壞此則示有過舉願

陛下為原廟渭北衣冠月出游之益廣多宗廟大孝之

本也上廼詔有司立原廟原廟起以複道故孝惠帝曾
春出游離宮叔孫生曰古者有春嘗果方今櫻桃孰可
獻

索隱案呂氏春秋仲春羞以含桃先薦寢廟高誘云
進含桃也鶯鳥所食故曰含桃今之朱櫻即是也

願陛下出因取櫻桃獻宗廟上廼許之諸果獻由此興
太史公曰語曰千金之裘非一狐之腋也臺榭之榱非
一木之枝也三代之際非一士之智也信哉夫高祖起
微細定海內謀計用兵可謂盡之矣然而劉敬脫輓輅
一說建萬世之安智豈可專耶叔孫通希世度務制禮

進退與時變化卒為漢家儒宗大直若誣

索隱音屈

道固委

蛇

索隱音移

蓋謂是乎

索隱述贊曰履藉衆幹表非一狐委輅獻說繇絕陳書皇帝始貴車駕西都既安太子又和匈奴奉春稷嗣其功可圖

史記卷九十九

史記卷九十九考證

劉敬叔孫通列傳號稷嗣君集解徐廣曰蓋言其德業
足以繼蹤齊稷下之風流也駟案漢書音義曰稷嗣
邑名○徐孚遠曰是時功臣多有名號侯者叔孫無
軍功安得封邑徐叔為長

史記卷九十九考證

謹案卷九十七第一頁後二行食其墓在壘丘西
南二十八里刊本脫丘字今增

第十二頁前六行襪音式芮反刊本芮訛為今改
第十四頁前四行沛公遽雪足杖矛刊本遽訛據

據王鑿本改

第十五頁後八行索隱述贊始冠側注刊本冠訛
官今改

卷九十八第二頁後三行子頃侯精立刊本頃訛

金定四庫全書
須謚法無須字據表改

第五頁前一行漢書作酈從崩從邑諸本酈訛崩
據索隱改

第五頁後六行地理志云沛郡有鄆縣刊本鄆訛
多據地理志改

第五頁後七行表云子應不同也刊本也訛者據
毛本索隱改

卷九十九第三頁前二行今陛下起豐沛刊本沛

上行擊字據本紀高祖起兵於沛無擊沛事今

刪

第七頁前四行諸生曰先生何言之諛也刊本諛
訛謾今改

第九頁前四行迺令羣臣習肄刊本肄俱訛隸注
同據毛本索隱改





總校官庶吉士 臣侍朝

校對官檢討 臣郭寅

謄錄監生 臣藍嘉宣